



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.21. Regis Eduardi redivus.

---

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII. A.C. 1272. verfitatis Cancellarium egit, ita, ut vi-  
ri fama permotus Rex eum tabulario

sanctiori præficeret. Morum puritatem, quam semper coluerat, hoc in munere conservans, summa integritate jus dicebat, nec divitum gratia tactus, nec debilitatem inopum spernens. Extincto Rege Oxonii Theologiæ studium tradens suum etiam hujus facultatis Doctor est habitus. Interim virtutis in stadio semper procedebat, parcissime vivens, calumniarum hostis, corpus animamque servans purissimam. An. 1275. vacantis

*Goduin. p. 530.*

Ecclesiæ Herfordiensis Episcopus electus 8. Sept. eodem anno consecratus fuit. Probitas ejus non damnum ex dignitate, sed incrementum cepit. Verum aliqua Ecclesiæ suæ jura defensum profectus Romam, & a Papa Martino IV. voti compos factus, in reditu prope Montem Flascenis mortem oppetiit. Inter cælestes postea relatum Ecclesia 2. Oct. colit.

*Mart. Rom.*

### §. XXI.

#### *Regis Eduardi reditus.*

Rex Eduardus e Palæstina redux in Siciliam advenit, ubi honorifice acceptus a Rege Carolo aliquamdiu subsistebat vires reficiendi gratia. Posthæc comperto ibidem regii parentis sui obitu

*Matth. West. mon. p. 402. Tri- vet. p. 630.*

iter persequens Urbem Veterem, ubi Pa-  
 pa Gregorius cum sua curia residebat, Sæcul. XIII. A. C. 1273.  
 petiit. Cardinales omnes obviam venie-  
 bant duobus Regibus: nam Carolus E-  
 duardum eo deducebat, & hic Papæ,  
 quicum amicitiam in Palæstina contra-  
 xerat, tristem ejus statum exposuit.  
 Dein ab eo poposcit justitiam ob Henri-  
 cum Germanicum patruelem suum Viter-  
 bii an. 1271. verni jejunii tempore a  
 Guidone Monfortio necatum. Hunc Sup. §. 12. Rahwaldus 12273. n. 22.  
 quidem jam proscripserat Papa, ejusque  
 focero Comiti Aldebrandino Rufo cædis  
 participi diem dixerat. Tum vero in-  
 stante Rege Eduardo in Guidonem Mon-  
 fortium hanc alteram tulit sententiam.  
 Nos eum proscribimus, & cuilibet ca-  
 piendum, non tamen occidendum ex-  
 ponimus aut mutilandum. Præcipimus  
 cunctis provinciarum locorumque Recto-  
 ribus, ut manus in eum injiciant, no-  
 stramque ad curiam eum adducant: &  
 loca omnia, in quæ veniet, præterquam  
 illum, in quo comprehendetur, interdi-  
 cto afficimus. Vetamus, nequis homi-  
 num, nequa societas eum recipiat, ad-  
 munus aliquod admittat, vel adjuvet,  
 aut ullum cum eo commercium habeat.  
 Denique, quotquot forsitan clientes be-  
 neficiarios subditosque numerat, a fide  
 illi jurata absolvimus. Actum 1. Apr. an.  
 1273.

Sæcu'. XIII.

A. C. 1273.

Rayn. n. 1.

Paucis post diebus Papa omnes Archiepiscopos epistolam circummisit, in qua concilii generalis locum denominat dicitque, suæ dignitati convenientius sibi & Cardinalibus commodius fore si Romæ illud celebraretur. Sed quoniam potissimum de auxilio terræ sacræ ferendo ageretur, Principibusque ac Præsulibus, qui plurimum eo contribuere possent, facilius trans montes convenienter se Lugdunum elegisse. Dabat 13 Apr. Etiam Reges ac Principes Christianos inter alios Alphonsum Castellæ, Philippum Franciæ, Armeniæque Reges, atque ipsos Tartaros ad concilium invitavit, rogavitque Armenorum Regem, ut integra concilii Nicæni acta, quæ in lingua sua tenere se perhiberet, ipsi mitteret.

## §. XXII.

*Rex Lusitaniæ officii sui commonetur a Papa.*

Authoritas Papæ Innocentii IV. viginti septem abhinc annos fecerat, ut Alphonsus Lusitaniæ Rex hoc regnum loco Sanctii Capelli fratris sui gubernandum acciperet, de quo graves tum jactabantur querimoniæ. Sed non leviores de Alphonso movebantur, ut liquet ex quadam Papæ Gregorii epistola hunc in modum scripta. Libertas ecclesiastica est pro-

Sup. l. 82.

§. 12. 24.

Rayn. n. 25.